

**Siunnersuut uunga:**

**Pisortanit ikiorsiissutit Inatsisartut inatsisaata aamma Suliffissarsiortunut ikiorsiissutit pillugit Inatsisartut inatsisaata allanngortinneqarnera pillugu Inatsisartut inatsisissaat** (2023-mut ukiumut missingersuusiorfiusumut kommuninut ataatsimoortumik tapiissutit pillugit isumaqatigiissut naapertorlugu atortuulersitsinermut ulluinik ikaarsaarnermilu aalajangersakkanik allanngortitsineq)

**§ 1**

Pisortanit ikiorsiissutit pillugit Inatsisartut inatsisaanni nr. 6, 20. juni 2022-meersumi imatut allannguisoqassaaq:

**1. § 57, imm. 1, ima oqaasertalerneqassaaq:**

”Inatsisartut inatsisaat atortuulersinneqarpoq ulloq 1. juli 2023.”

**2. § 59 ima oqaasertalerneqassaaq:**

”Ullormi 1. juli 2023 qaammatip affaanut siumoortumik ikiorsiissutinik annertussusileriikkanik tunniussisoqassaaq.

*Imm. 2.* Ullormi 15. juli 2023 qaammatip affaanut siumoortumik ikiorsiissutinik annertussusileriikkanik tunniussisoqassaaq.

*Imm. 3.* Ikiorsiissutit annertussusileriikkat 2023-mi julip qaammataani tunngaviumik akigititaq atorlugu tunniunneqassapput, tak. § 22 aamma iliussissatut pilersaarummut tapeq, tak. § 24 aamma aningaasarsianut ilanngaat ilanngunnagu, tak. § 25-26. § 27 assigisaanik atortinneqassaaq.”

**§ 2**

Suliffissarsiortunut ikiorsiissutit pillugit Inatsisartut inatsisaanni nr. 7, 20. juni 2022-meersumi imatut allannguisoqassaaq:

**1. § 34, imm. 1, ima oqaasertalerneqassaaq:**

”Inatsisartut inatsisaat una atortuulerpoq ulloq 1. juli 2023.”

**§ 3**

Inatsisartut inatsisaat atortuulersinneqassaaq saqqummiunneqarnerata aqaguani.

*Kalaallit Nunaanni Namminersorlutik Oqartussat, ulloq xx. xxx. 2022*

Naalakkersuisut Siulittaasuat